

ՊԱՏԱՊԱՐԱՆԱԽՐԱԿԱՆ

ՆԵՂԻՆԵ ՄԿՐՏՉՅԱՆ

ՍԱՐԿԱՎԱԳՈՒՆԵՐԻ ԾԱՌ-ԱՅՈՒԹՅՈՒՆՆ ՈՒ ՊԱՇՏՈՆԸ ՆԱՅ ԱՌ-ԱՔԵԼԱԿԱՆ ԵԿԵՂԵՑՈՒՄ

Քրիստոնեական Եկեղեցում և, մասնավորապես, Նայ Առաքելական Եկեղեցում սարկավագուհիների¹ առկայությունը պարմական իրողություն է:

Այս առումով սարկավագուհիների վերաբերյալ կարևորագույն հարցերից մեկը Եկեղեցում նրանց վերապահված պարականություններն ու ծառայությունն են:

Վաղ շրջանի Եկեղեցում սարկավագուհիների պարականությունների մասին Ներսես Մելիք-Թանգյանը գրում է. «Սարկավագուհիները կային Պողոս առաքելալի ժամանակից (Նոմ. ԺԶ. 1), Պոլտյ եկեղեցում Յուսարինիանոսի և Ներակլի ժամանակ 40 հոգի կար: «Առաքել. կարգադրությունները» պարտիքում են, որ դրանք լինեն կոյսեր, կամ բարեպաշտ աշխատող և 40 փարեկան: Նիկիայի 19 կանոնով (Ա. գ., 118 երես) նրանք սրանում էին առանձին ձեռնադրություն: Նրանց պարականություններն էին. 1) կանանց պարասպել մկրտության համար, 2) մկրտությունը՝ եթե մեծ կանայք էին մկրտում, կապարում էին նրանք, իսկ դրոշմը՝ վարագոյրի երեսից, անում էին եպիսկոպոսը կամ քահանան, 3) կնքամայր էին լինում հներում բոլոր աղջիկ մկրտածներին, 4) կանանց վերաբերյալ բոլոր հոգացողությունները եպիսկոպոսի պարտելով կապարում էին սրանք, 5) այն դռների մօտ էին կանգնում եկեղեցում, որտեղից կանայք էին մտնում և նրանց մեջ կարգապահության վրայ հսկում»²:

Նկատելի, սակայն, որ սարկավագուհիների պարականությունների վերաբերյալ այս տեղեկությունները բաղված են Դ. դարով թվագրված «Առաքելական կարգադրություններ»³ ժողովածուից, որը Նայ Եկեղեցին համարում է ոչ վավերական⁴: Այսուհանդերձ, ավելորդ չէ անդրադառնալ նրանում ներառված մի քանի կանոնների:

1 Սարկավագուհիների ձեռնադրության կանոնական ու պարմական առանձնահատկությունների վերաբերյալ արժեքավոր նյութ է պարունակում Աբել արեղայի «Նայ Եկեղեցու սարկավագուհիները» գիրքը: Նեղինակը, ներկայացնելով աստվածաբան Մարիա-Քրիստին Արաբի «Նայ Եկեղեցու սարկավագուհիները կանոնական փեսանկյունից դիտված» ուսումնասիրությունը, կարարել է նաև ուշագրավ մի շարք հավելումներ, որն **Աբել արեղայ**, Նայ Եկեղեցու սարկավագուհիները, Նի Եօրք, 1991:

2 **Ներսես վրդ. Մելիք-Թանգյան**, Նայց եկեղեցական իրաւունքը, Ս. Էջմիածին, 2011, էջ 670: Այս մասին նաև տես **Աբել արեղայ**, նշվ. աշխ., էջ 12-15:

3 Այն 8 գլխից բաղկացած ժողովածու է, որի երեք գլուխներում (2-րդ գլխի 58-րդ կանոն, 3-րդի 7-րդ, 15-րդ և 16-րդ կանոններ, 8-րդի 28-րդ և 31-րդ կանոններ), կան սարկավագուհիներին վերաբերող կանոններ: Տես «Апостольские постановления», Казань, 1864/ http://krotov.info/acts/04/2/constit_apost.html)

4 Տես **Ներսես վրդ. Մելիք-Թանգյան**, անդ. էջ 59-67. Ն. Յակովլյուս Վ. Տաշեան, Վարդապետություն Առաքելոց անվանական կանոնաց մատենար, Վիեննա, 1896, էջ 78-82:

Մասնավորապես, 3-րդ գլխի 15-րդ կանոնում սարկավագուհիների մասին ասվում է. «Նաև սարկավագուհի ընտրվող հավաքավոր եւ սուրբ կանանցից, որպեսզի ծառայի կանանց, քանզի պարահում է երբեմն, որ անհավարների պարճառով որոշ արներ կանանց սպասավորելու համար չի կարելի այդ սարկավագ ուղարկել. այդիսկ պարճառով անօրեններին հանդարտեցնելու համար ուղարկվող այնպիսի սարկավագուհու:

Իրականում, շար դեպքերում ենք օգտվում սարկավագուհու ծառայությունից: Հարկապես, երբ մկրտվում են կանայք, սարկավագը թող սուրբ յուղով օծի միայն նրանց ճակարները, որից հետո թող սարկավագուհին օծի նրանց. քանի որ անհրաժեշտություն չկա, որ քղամարդիկ քրեանեն կանանց: Եւ եպիսկոպոսը ձեռնադրության ժամանակ թող օծի միայն նրա [սարկավագուհու] գլուխը, ինչպես նախկինում օծվում էին քահանաներն ու թագավորները...»⁵:

Այսպիսով, ըստ այս կարգադրությունների, վաղ շրջանի Եկեղեցում սարկավագուհիներին վերադասված ծառայությունների շրջանակը սահմանափակվել է սոսկ կանանց հետ կապված որոշ գործառնությունով: Միաժամանակ սարկավագուհին գուրկ է հոգևոր իշխանությունից, հետևաբար նաև՝ համապարասխան գործառնությունից: Այս մասին «Առաքելական կարգադրություններ»-ի 8-րդ գլխի 28-րդ կանոնում ասվում է. «Սարկավագուհին չի օրհնում, բայց եւ ոչինչ չի կարարում այն ամենից, ինչ անում են քահանաները կամ սարկավագները. նա [սարկավագուհին] հսկում է դռները եւ ծառայում է քահանաներին կանանց ընկղմման ժամանակ՝ հանուն պարշաճության»⁶:

Սակայն, ինչպես արդեն նշել ենք, «Առաքելական կարգադրություններ»-ը Հայ Եկեղեցին համարում է ոչ վավերական: Ինչ վերաբերում է Հայ Եկեղեցու կանոններին, ապա դրանցում սարկավագուհիների, առավել եւս նրանց պարսպանությունների մասին որևէ հրահանգ չկա: Այս մասին իր գրքում իրավացիորեն նշում է նաև Աբել արեղան՝ իբրև բացառություն բերելով «Կանոնագիրք Հայոց»-ում ընդգրկված Նիկիո ժողովի ԺԹ. կանոնը՝ ժողովածուի հեղինակ Վազգեն Հակոբյանի ծանոթագրությամբ:

Նշված կանոնում, մասնավորապես, ասվում է. «...Սոյնպես եւ վասն սարկաւագացն եւ ամենայն որ եւ իցեն ընդ կանոնաւք, նոյն կարգ կացցէ: Յիշեցաք եւ վասն սարկաւագաց կանանցն, որք կերպարանաւք ձեռնադրութիւն ունին, զի ամենայն իրաւք իբրև զմի յաշխարականաց կացցեն»⁷:

Այս կանոնում «սարկավագուհի» բառը գործածված չէ: Սակայն, ներկայացնելով կանոնի հունական բնագիրն ու այն համեմատելով հայերեն թարգմանության հետ, Վ. Հակոբյանը եզրակացնում է. «Ինչպես քրեանում եք, հունարենում խոսքը սարկավագուհիների մասին է, իսկ հայերենում մի դեպքում «սարկաւագացն», մյուսում՝ «սարկաւագաց կանանցն»: Երկու դեպքում էլ պետք է հասկանալ սարկավագուհիներ»⁸:

Արդյո՞ք Դ. դարում, երբ ընդունվել են Նիկիո կանոնները, Հայ Եկեղեցում եղել են

5 «Апостольские постановления».

6 Անդ:

7 «Կանոնագիրք Հայոց», հր. Ա., Երևան, 1964, էջ 130. հմմտ. Աբել արեղայ, նշվ. աշխ., էջ 15-16:

8 Անդ, էջ 565. հմմտ. Աբել արեղայ, նշվ. աշխ., էջ 15-16:

սարկավագուհներ, այս մասին որևէ մարեմագրական րեղեկություն գոյություն չունի: Սակայն, եթե հաշվի առնենք Վազգեն Տակոբյանի վերոնշյալ պնդումը, ապա ենթադրելի է, որ Տայ Եկեղեցում եւս եղել են սարկավագուհներ, որոնք, ձեռնադրություն ունենալով հանդերձ, գուրկ են եղել հոգեւոր իշխանությունից, ինչի մասին խոսվում է նաեւ «Առաքելական կարգադրություններ»-ում: Ներուարար՝ Դ. դարում, Տայ Եկեղեցում սարկավագուհիների հնարավոր գոյության պարագայում, նրանց վերապահված գործառնությունը պերք է, որ հիմնականում համապարասխանեին «Առաքելական կարգադրություններ»-ում նշված գործառնություններին:

Տայ Եկեղեցու սարկավագուհիների ծառայության ու պարականությունների վերաբերյալ առաջին որոշակի րեղեկությունները հանդիպում են միայն ԺԲ.-ԺԳ. դարերի հեղինակների կանոնական եւ պարմագրական գործերում: Մասնավորապես, սարկավագուհիների մասին հիշարակումներ կան Միսիթար Գոշի (ԺԲ. դար) եւ Մմբար Սպարակերի (ԺԳ. դար) դարասարանագրքերում, ինչպես նաեւ Սրեկիանոս Օրբելյանի (ԺԳ. դար) «Պարմութին նահանգին Սիսական» աշխարության մեջ: Ընդամին՝ բոլոր այս հեղինակների գործերում սարկավագուհները սարկավագների հեր մեկերեղ դասվում են եկեղեցական նվիրակության միեւնույն՝ 6-րդ ասարիճանին:

Տարկանշական է, որ այս շրջանի Մաշտոցներում կան նաեւ սարկավագուհիների ձեռնադրության կանոններ, որոնք հիմնականում կրկնում են սարկավագական ձեռնադրության կանոնները⁹: Այս առումով ուշագրավ է հնագույն մի Մաշտոցից բաղված «Ձեռնադրութին կրօնաւորութեան արժանացելոցն ի չափ հասակի կարարման րիոցն եւ նմանակցութեան ի Քրիստոս միացելոյն» կոչված կարգը, որ նկարագրել է Միսիթարյան միաբան Վարդան Տացունին՝ այն թվագրելով ԺԱ. դարով: Եկեղեցական այդ կարգը վերաբերում է ինչպես այր, այնպես եւ կին սարկավագների ձեռնադրությանը: Այս առիթով Տացունին ընդգծում է կանոնի մեջ արված հավելումը՝ «իսկ կանաց պարք է սքեմ րալ, եւ գնոյն կարարել կարգս»¹⁰:

Ըստ Տացունու նկարագրության՝ ձեռնադրության ընթացքն առանձնանում է մեկ րարբերությամբ. «Եթէ այր է՝ կրօնաւորական գղակ կը դնեն. իսկ եթէ կին, «հոլանի սարկաւագուհիքն արասցեն, սեւ փակեղամբ ծածկեցեն զճակարն մինչեւ յաւնսն»¹¹:

Այսուհանդերձ, հակառակ ձեռնադրության միօրինակության եւ նվիրակության մեջ գրաղեցրած նույն կարգի, ԺԲ.-ԺԳ. դարերում եւս սարկավագների եւ սարկավագուհիների պարականություններն առանձնանում են: Միաժամանակ, ի րարբերություն վաղ շրջանի Եկեղեցու, ԺԲ.-ԺԳ. դարերում սարկավագուհիներին նաեւ արքունում է բարոգել կանանց եւ նրանց համար Ավերարան ընթերցել:

Այսպես՝ Միսիթար Գոշի Դարասարանագրի «Յաղագս դարասարանաց կարգաց եկեղեցոյ եւ րան թագաւորի» գլխում սարկավագուհիների պարականությունների

9 Տե՛ս Վ. Տացունի, Կոսասարանք Տայասարանի մեջ. «Բագմավեպ», 1923, փերրուար, էջ 46-47, մարք, էջ 73. Արել արեղայ, նշվ. աշխ., էջ 32-34:

10 Տե՛ս Վ. Տացունի, անղ, էջ 47:

11 Անղ:

մասին կարդում ենք. «Են եւ ի կանանց սարկաւազունք ձեռնադրեալք, որք կոչին սարկաւազունիք, վասն քարոզելոյ կանանց եւ ընթեռնուլ Աւերաբան, զի մի՛ մըքցէ անդ այր, եւ մի՛ նա արտաքս, քան զվանան երանիցէ: Բայց յորժամ մկրտութիւն առնեն քահանայքն, զան յաւազանն, զի զկանայսն նոքա լուսնան ջրով քաւութեանն՝ ներքոյ վարագորին: Սքեմ է նոցա ամենայն ինչ հաւաքաւորաց, բայց ի ճակարն խաչ լինի, եւ քուշկէն ի յաջմէ կողմանէ ի կախ ունելով: Մի՛ ինչ նոր եւ անկարգ վարկցիս գայս, քանզի ի սրբոց Առաքելոցն աւանդութենէ ուսանիմք, քանզի ասէ՝ յանձն առնեմ ձեզ զՓիբէ քոյր մեր, որ է սպասաւոր եկեղեցոյն»¹²:

Այսպիսով, ըստ Գոշի Դաբասարանագրքի, այնպէղ, ուր փղամարդկանց մուրքն արգելված էր, կանանց քարոզելու եւ Ավերաբան կարդալու իրավունքը վերապահվել է սարկավազունիներին: Ենթադրելի է, որ այսպէղ խոսքը կարող էր վերաբերել կուսանոցներում ձեռնադրված սարկավազունիներին. նրանք իրենց այս գործառնությունները կարող էին կատարել վանքի ներսում միայն, ուր այր չէր մտնում, իսկ կույսերը վանքից դուրս չէին գալիս:

Միաժամանակ, նույն կանոնի համաձայն՝ սարկավազունին, ինչպէս վաղ շրջանի Եկեղեցում, շարունակում է օգնել քահանային կանանց մկրտության ժամանակ¹³:

Դաբասարանագրքի «Յաղագս դաբասարանաց աքսորելոց» գլխում սահմանված է նաեւ սարկավազունու եկեղեցական աստիճանից զրկելու կանոնը. «Արդ, եթէ արժանաւոր որ աքսորանաց իցէ, որք միանգամ յեկեղեցական կարգէ իցեն, ըստ իրաւանց այսպէս լիցի. սարկաւազք եւ քահանայք լուծցին յեպիսկոպոսէ, զի նա է ձեռնադրող նոցա. սարկաւազունիք՝ ի սարկաւազաց, եւ աշխարհականք, եւ հաւաքաւորք, եւ կրտսնաւորք եւ որք միանգամ ի քահանայէ ձեռնադրին՝ ի քահանայէն»¹⁴:

Շուրջ մեկ դար անց Կիլիկիայում Սմբատ Սպարապետի կազմած «Դաբասարանագրքում» եւս սարկավազունիներին նույն հրահանգներն են տրված:

«Եւ Զ. դասք են սարկաւազունք... Եւ կարեն Աւերաբան կարդալ ու քարոզ ասել եւ

12 Միսիթար Գոշ, Գիրք Դաբասարանի, աշխատ. Խոսրով Թորոսյանի, Երևան, 1975, էջ 136-137: Դաբասարանագրքի մեկ այլ՝ Գ. խմբագրությունում այս կանոնը, առանց բովանդակային փոփոխության, փոքր-ինչ այլ կերպ է ձևակերպված. փնն անդ, էջ 400:

13 Նարեկ է. նշել, որ «Կանոնագիրք Նայոց»-ում ընդգրկված մի քանի կանոնախմբերում (Կանոնք սրբոյն Սահակայ Նայոց Նայրապետի, Կանոնք Ներսէսի Կաթողիկոսի եւ Ներշապիոյ Մամիկոնէից եպիսկոպոսի, Բարսղի գիր կանոնական վասն պէսպէս եւ բխրապարիկ ախպից) կան հոդվածներ, որոնք կանանց խաչով արգելում են մկրտության ժամանակ կանգնել քահանայի մոտ սպասավորություն անելու կամ սարկավազի պաշտոն կատարելու: Մասնավորապէս, Սահակ Պարթեւի կանոնախմբում այս մասին ասվում է. «Մկրտութիւն առնել երկիւղածութեամբ, եւ կանայքն ի ժամ մկրտութեանն մերձ առ քահանայսն մի՛ իշխեսցեն կալ, որպէս տվորեցին ռմանք առնել յանդգնաբար եւ մկրտել ընդ նոսա, այլ ի փեղտոջ իւրեանց աղաթեսցեն» («Կանոնագիրք Նայոց», հ. Ա., էջ 377-378. հմմտ. Աբել արեղայ, նշվ. աշխ., էջ 22): Ներսէսի եւ Ներշապուծի կանոնախմբում համապարասխան հոդվածը հրահանգում է. «Եւ կանայք առ քահանայս մի՛ իշխեսցեն կալ, բայց սարկաւազունքն սպասաւորեսցեն, եւ կանայք յիւրեանց փեղին աղաթեսցեն, եւ մի՛ եղիցին գործակիցք քահանայիցն, որպէս լսեմք, անելով զբեղիս սարկաւազացն» («Կանոնագիրք Նայոց», հ. Ա., էջ 488): Այս նույն կանոնը Աբել արեղան վերագրում է Դվինի ժողովին (Աբել արեղայ, նշվ. աշխ., էջ 22): Ժ. դարի խմբագրության կանոնագրքում ներառված Բարսեղ Կեսարացու կանոնախմբում եւս նույն հրահանգն է. «Քահանայ ի ժամ մկրտութեանն մի՛ իշխեսցէ զկին մարդ ի տուրբ աւազանն թողուլ, եւ մի՛ կնքաւոր կացուցանել զայսահարս եւ զսպաշխարողս» («Կանոնագիրք Նայոց», հ. Բ., Երևան, 1971, էջ 128):

14 Միսիթար Գոշ, Գիրք Դաբասարանի, Երևան, 1975, էջ 141:

գսկիին բերել ի սենեկէն ի սեղանն, և բշոց բշել, ու խառնել ծխել, և հաղորդութեան սկիին բերել, և թէ հրամայէ քահանայն, և սարկավագուիիք կարեն ձեռնադրել, որ և նոքա ևս կարեն քարոզ ասել կանանց և Անկարաւան կարդալ ուր և այր մարդ չմտնէ:

Եւ սքեմ է նոցա հաւաքաւորացն, և կարեն լուսնալ Կողայք և կանայք քառութեան ջրով, և իսկ ունենան ի ճակարն և բուշ կենայ ի յաջ թուն. և ի Նայոց կանանց վաղ է ջնջած այս կարգս: Բայց այս այն է, գոր գրել է առաքեալն, թէ յանձն առնում ձեզ գփիբէ քոյր մեր, որ ի սպասաւոր եկեղեցոյն»¹⁵, - ասվում է Սմբատ Սպարապետի «Դարաստանագրքում»:

ԺԳ. դարի Սյունյաց աշխարհի պարմագիր Սրեփաննոս արք. Օրբելյանն իր «Պարմութիւն նահանգին Սիսական» աշխարհային «Վասն ինն դասոց եկեղեցոյ թէ ո՞րք են և ո՞րպէս Վարին» գլխում (գլուխ ԻԷ.) սարկավագուիիներին կրկին դասելով եկեղեցական 6-րդ աստիճանին, նշում է նրանց պարտականությունները. «Իսկ ի կանանց սարկավագուիիք լինին զի ի կանանց վանս քարոզեն. զգեստ է նոցա հաւաքաւորացն, փիլիոն արկանել և ճակարն իսկ ունել և փոքրիկ ուրարն յաջմէ ի ներքոյ բազկին զհանդերձէն կամ զգօրոյն ի կախ ունելով ելանէ ի բեմն և քարոզէ և ընթերնու Անկարաւան ոչ յամբոխին ի վերայ բեմին. այլ առանձինն կամ յանկեան ուրեք. բայց ի սուրբ խորհրդոյն սպասաւորութիւն բնաւ մի՛ հպեցի որպէս արու սարկավագուիքն»¹⁶:

Այսպիսով, ըստ մարտնագրական վկայությունների, կարելի է որոշակի պարկերացում կազմել ԺԲ.-ԺԳ. դարերում Նայ Եկեղեցու սարկավագուիիների պարտականությունների վերաբերյալ. նրանք օգնում են քահանային կանանց մկրտության ժամանակ, կարող են նաև կանանց համար Ավկարաւան ընթերցել ու քարոզել, այս ամենի հետ գուրկ են հոգեւոր իշխանությունից, որի մասին Օրբելյանը, ինչպես նշված է վերը, ասում է. «Բայց ի սուրբ խորհրդոյն սպասաւորութիւն բնաւ մի՛ հպեցի որպէս արու սարկավագուիքն»:

Պարմական երկարարեւ դադարից հետո Նայ Եկեղեցու սարկավագուիիների մասին վկայություններ կրկին հանդիպում են արդեն ԺԷ.-ԺԹ., ընդհուպ մինչև Ի. դարը հասնող զանազան արձանագրություններում ու վավերագրերում: Ընդսմին՝ Նայ Եկեղեցում կուսանաց անապարների վերաշխուժացման այս շրջանում սարկավագուիիների եկեղեցական ծառայության ու պարտականությունների շրջանակը տեսնում ենք առավել ընդարձակ:

Այս դարերից հայրնի են նախ՝ Սյունիքում, ապա և՛ Նոր Զուղայում, Թիֆլիսիում և Շուշում հիմնված կուսանաց անապարները, որտեղ փորձառու միանձնուհիները ձեռնադրվել են սարկավագուիի: Նայրնի են նաև Կ. Պոլսի Գալֆայան որբանոցի սարկավագուիիները:

ԺԷ.-ԺԹ. դարերի սարկավագուիների մասին առաջին գրավոր հիշատակություն-

15 «Դարաստանագիրք Սմբատ Իշխանի» (Գունդսարբի), ձեռագրերի համեմատութեամբ լոյս ընծայեց Արսէն վարդապետ Դպրեան, Ս. Էջմիածին, 1918, էջ 40. հմմտ. Աբել արեղայ, նշվ. աշխ., էջ 24:

16 «Պարմութիւն նահանգին Սիսական. Արաբեալ Սրեփաննոսի Օրբելեան արքեպիսկոպոսի Սիսեաց», Թիֆլիս, 1910, էջ 110-111:

ներից մեկը, թերևս, Սյունյաց աշխարհի Շենիերի նշանավոր կուսանաց անապատում 1654 թ. ընդօրինակված «Շարակնոց»-ի հիշարակարանն է, որպեսզի արձանագրված է միանձնուհի սարկավագուհու աստիճանը¹⁷: Սյունիքի կուսանոցներում բնակված սարկավագուհիների մասին հայտնի է միայն, որ նրանցից շարերը շնորհալի գրչուհիներ են եղել և իրենց արվեստը փոխանցել են իրենց հաջորդներին: Նրանց եկեղեցական ծառայության մասին մեզ հայտնի տեղեկություններ չկան:

Ինչ վերաբերում է վերը նշված մյուս կուսանոցներին, ապա այս վանքերի սարկավագուհիների ծառայության մասին բավականաչափ տեղեկություններ են հաղորդում մեզ հասած արխիվային նյութերը, կուսանոցների մասին պատմագրական հիշարակումները, մամուլի հրապարակումները:

Ինչպես նշեցինք, այս շրջանի սարկավագուհիների իրավունքների շրջանակը առավել ընդարձակ է: Ընդհանուր առմամբ՝ այն պայմանականորեն կարելի է բաժանել երկու խմբի՝ վանքի սահմաններից դուրս և վանքի ներսում:

Վանքի սահմաններից դուրս սարկավագուհիների ծառայությունն ըստ էության հովվական է. նրանք մասնակցում են բարձրաշխարհիկ կանանց հուղարկավորություններին, Ջրօրհնյաց փոներին և Զարկի ճրագարույցին այցելում են իշխանական փոներ՝ շաքականների ու սաղմոսների երգեցողությամբ ավելում եկեղեցական փոների զալուստը:

Այս առումով ուշագրավ է ՄԱ Ազգային արխիվում պահվող Եղիսարեթ և Կապառինե Սարբաշյանց սարկավագուհի քույրերի՝ Աստրախանից 1853 թվականին գրված խնդրագիրը Ս. Էջմիածնի սինոդին և Էջմիածնի պապասխան նամակը՝ սարկավագուհի կույսերին իրենց եկեղեցական աստիճանին համապատասխան արտոնություններ պալու վերաբերյալ:

1842-ին սարկավագուհի ձեռնադրված քույրերը խնդրում են, որպեսզի Թ-իֆլիսի սարկավագուհիների օրինակով իրենց ևս թույլատրվի մասնակցել հուղարկավորությունների, ինչպես նաև եկեղեցական փոներին այցելել երեւելիների փոներ:

«Մեծա պապականութ վստահութիւն կալաք թախանձել սովալ ի Լուսաւորչական Սինոդոսէզ գի բարեհաճեցի խնամ փանել մեզ և շնորհել զբացարձակ կանոն կապարելոյ զպաշտամունս՝ պապշաճաւորս աստիճանի և կոչման մերոյ և միանգամայն հրամայել թէ կարե՛մք արդէօք ի փօնի Զարկի և Ջրօրհնեաց ի փունս երեւելեաց ազգի մերոյ՝ յորս շրջիմք ըստ սովորութեան՝ ընթեռնուլ գԱւերարան, և երգել զերգս և զշարական՝ զոր երգեն ըստ պապշաճի աւուր քահանայք կամ յեկեղեցիս քաղաքիս ընթեռնուլ գԱւերարան ի ժամ պապարագի անարգել՝ նոյնպէս հնա՛ր իցէ մեզ սաղմոս կարդալ երբեմն ի վերայ պատուաւոր կանանց և օրիորդաց ննջեցելոց»¹⁸, - գրում են սարկավագուհի կույսերը:

17 Հիշարակարանում Աստվածատուր գրիչը նշում է, որ ձեռագիրն ընդօրինակել է «ի խնդրոյ սրբասնունդ դարերն խոյ՝ Ներքեմազ հաւատարտ սարկավագուհոյն...» (տե՛ս «Նայերեն ձեռագրերի ԺԷ. դարի հիշարակարաններ (1641-1660)», հ. 3, Երևան, 1984, էջ 608. նաև «Նայկական ձեռագրերի հիշարակարանները կանանց մենաստանների և կուսակրոն կանանց վերաբերյալ», «Էջմիածին», 2013, Բ., էջ 91):

18 ՄԱ Ազգային արխիվ, ֆ. 56, ց. 1, գ. 3045:

Ազգային արխիվում պահվում է նաև Էջմիածնի Սինոդի պարասխան գրությունը¹⁹, որով խնդրաբար սարկավագուհիներին թույլատրվում է կապարել ծխական բնույթի վերոհիշյալ արարողությունները:

Նկատենք, որ ծխական նման արարողություններին սարկավագուհիների մասնակցությունը, ըստ էության, կուսանաց վանքերի, ինչպես նաև վանքերից դուրս բնակվող սարկավագուհիների համար (ինչպես Աստվածածին կույսերի դեպքում) ապրուստի որոշակի միջոցներ ապահովելու լրացուցիչ աղբյուր էր:

Այս մասին խոսվում է ինչպես Սինոդի պարասխան գրության մեջ, նույնպես և Թիֆլիսի Ս. Սրբեմանու կուսանոցին և Շուշիի Կուսանաց անապարին վերաբերող մի շարք վավերագրերում:

Մասնավորապես, 1850-ականներին Թիֆլիսի Ս. Սրբեմանու վանքի մայրապետ Գայանե սարկավագուհին Նոր Զուղայի Ս. Կարաբինե կուսանոցի մայրապետ Եղիաբեկ Մարտիրոսյանցին ուղղած նամակում, Կոնստանդնուպոլիսի կուսանոցի ներքին կյանքի վերաբերյալ, նշում է վանքի եկամտի աղբյուրները, որոնց թվում՝ «դ. ի կամառուր նուիրանաց, գորս շնորհին հրախոսոյն գկուսանս յայցելութին սգաւորաց» և «գ. ի քրոց իշխանաւորաց յորոց քունս երթան կուսանք ի գիշերի ճրագալոցի ծնողեան Տեառն յերգել գաւարիս»²⁰:

Ընդամենը Գայանե մայրապետը իր նամակում միաբանության գլխավոր պարականություններից է համարում կույսերի մասնակցությունը հուղարկավորության արարողություններին²¹: Այս մասին մայրապետը գրում է. «Եօթներորդ՝ այցելութին և մխիթարութին սգաւոր կանանց քաղաքիս մի է ի գլխաւոր պարաւորութեանց միաբանութեանս, քանզի ի քան ուրուք երբ մեռանի ոք, եթէ կամին ազգականք մեռելոյն ազդ առնեն գայսմանէ Մայրապետի վանացս, և յայնժամ՝ նա նշանակէ գերկուս կամ գերիս ի կուսանաց երթալ յայցելութին այնր գերդաստանի, նշանակեալ կուսանքն յերեկոյին՝ յորում լուսանայ օր թաղման հանգուցելոյն, երթան ի քունս նորին, նստին առ վայր մի առ սգաւորս և սփոփեն գնոսա հոգեկան խրաբոյ, և ապա կապարեն ի վերայ հանգուցելոյն գկարգ հանգստեան և քաղեալ գամբիծն դառնան ի վանս, ի միտումն առաւօրու կրկին երթան ի քունս հանգուցելոյն և ըստ առաջնումն սկսանին մխիթարական բանիք սփոփել գսգաւորսն. իսկ յորժամ դասք հոգևորականաց քաննեն գննեցեալն յեկեղեցի,

19 Տե՛ս անդ:

20 «Ճանապարհորդութիւն ի Մեծն Նայասարան», աշխատ. Տեառն Սարգսի Սանահնեցոյ Զապետանց թեմակալ արքեպիսկոպոսի Նայոց Վրաստանի, Իմերէթի և այոց, մասն Բ., Տիֆլիս, 1853, էջ 68. «Թիֆլիսի Ս. Սրբեմանու կուսանաց անապարի պարամութիւնը», կազմեց Խոյբէն քան. Խուցեան, Թիֆլիս, 1914, էջ 94-95:

21 1895 թ. Կ. Պոլսի «Նայրեմիք» օրաթերթում Մելիք Պէլլիբեկեան ստորագրութեամբ հեղինակը, որը ներկա է գրվել Թիֆլիսի Ս. Սրբեմանու կուսանոցի մայրան մեջ Կոնստանդնուպոլիսի կուսանոցի մի արարողության, նկարագրել է այն, «գոր կոյսերը կը կապարէին գլուխնին և դէմքերնին ալ մեծ մասամբ ծածկած սև ծածկոցներով, որոնց վրայէն մինչև ուրբերը ձգուած են նուրբ ասեղնագործ սպիտակ թուղեր, իրաքանցիւրը հագած է մշմէլ գոյնի դարական շապիկ ոսկեհոտ գօրիով սեղմուած, ոմանք մոմ ի ձեռին, երկուքն ալ կը բուրվառեն: Ինչպէս միշտ, այդ եզակի արարողութեան մէջ ալ միակ այր մարդն էր պարարագիչ քանանան, զի կոյսերը մինչև առագ սարկաւագի աստիճան ունին, և, միայն չեն կարող պարարագել: Երբ հրախոսոյն՝ կերթան մասնակցիկ նաեւ ննջեցեալներում յուղարկաւորութեան իբրեւ դպիր և սարկաւագ»: Նոյնաձեռ վերահրապարակված է Կ. Պոլսի «Նայ խօսնակ» թերթում, Թ. քարի, 5-6, մայիս-յունիս, 1933:

յայնժամ եւ կուսանք առաջնորդէն սգաւոր կանանց յեկեղեցի: Յնպ աւարտելոյ Պապարագին եւ կարգի հանգստեան եւ յողարկաւորելոյ գհանգուցեալն առաջնորդութեամբ կուսանաց եւ սգաւորքն դառնան ի քուն, նոյնպէս առաջնորդութեամբ կուսանաց գնան սգաւորքն յերկրորդում աւուր թաղման հանգուցելոյն յեկեղեցին եւ դառնան ի քուն»²²:

Նոգեհանգստեան արարողություններին մասնակցելն ու իշխանավորների քններն այցելելը իբրեւ կուսանոցի եկամտաբեր աղբյուր են նշել նաեւ Շուշիի կուսանաց անապարի կույսերը կոնսիստորիային ուղղած քարտեր քարիների իրենց նամակներում: Այսպէս, 1857 թ. Գայանն, Մագաղաթ, Բալասան եւ Մարգարիտ սարկավագուհիները հայրնում են կուսանոցի եկամտաբերների մասին՝ նշելով դրանց աղբյուրները, որոնց թվում՝ «ի շրջելոց ի քունս ժողովրդոց ի ծնողեան իրիկուն, ...ի քերաց ննջեցելոց հրախրողաց գմեղ»²³:

Ավելի ուշ՝ 1862 թվականին գրված մեկ այլ նամակում²⁴ նույնը կրկին նշում է Գայանն սարկավագուհին:

Առավել ուշագրաւ է, սակայն, սարկավագուհիների եկեղեցական ծառայությունը կուսանոցի սահմաններում, որպէս, առնվազն ԺԹ. դարից սկսած, նրանց արտոնվել է նաեւ Ս. Պապարագի ժամանակ կարարել այդ սարկավագների համար սահմանված պաշտոններ²⁵:

Այս արտոնությունն ունեին, մասնավորապէս, Թիֆլիսի Ս. Սրբեփանոս կուսանոցի սարկավագուհիները: Վանքի պարմությունը մեզ ավանդած Խորեն քին. Խուցյանը նշում է, որ մինչեւ 1801 թվականը վանքի եկեղեցում Պապարագ չի մատուցվել: Եւ միայն այդ թվականից է, որ Նովսեփ արք. Արդուշյանի կարգադրությամբ ընտրվել է պապարագի քահանա²⁶: Եկեղեցում մատուցվող պապարագների ժամանակ թե ինչ պաշտոն է Արդուշյանը սահմանել սարկավագուհիներին՝ հայրնի չէ: Փոխարենը՝ Ս. Սրբեփանոսի մայրապետ Գայանն սարկավագուհու՝ վերը հիշադրակված նամակում քննարկություններ կան Ս. Պապարագի արարողությանը սարկավագուհիների մասնակցության մասին:

«...Ի պաշտել գկարգ պաշտաման եկեղեցոյ եւ ի մատուցանել զսրբազան խորհուրդ Պապարագի երկիցս յեթնեկի եւ հաւոր հանդիսաւոր քունից նշանակի ի թեմակալ առաջնորդէ վիճակիս ոմն ի բարերարոյ քահանայից ըստ մերում ցանկութեան, իսկ գպաշտօն սարկաւագի եւ դպրի կարարեմք ինքնին»²⁷, - թվարկելով կույսերի պարականությունները՝ գրել է սր. Սրբեփանոսի մայրապետը:

22 «Ճանապարհորդութիւն ի Մեծն Նայասարան», էջ 67-68. «Թիֆլիսի Ս. Սրբեփանոս կուսանաց անապարի պարմութիւնը», էջ 93-94:

23 ՆՆ Ազգային արխիվ, ֆ. 56, ց. 1, գ. 3453:

24 Տե՛ս անդ:

25 Նման ավանդույթ եղել է Ատրաքան եկեղեցում (քնն **Արեւ արեղայ**, նշվ. աշխ., էջ 17): Այս առիթով Արեւ արեղան ուշադրություն է հրավիրում կանանց խորան բարձրանալու ասորական ավանդության դեմ Նայ եկեղեցու ԺԱ. դարի վարդապետներից Պողոս Տարունցու դիրքորոշման վրա. «Նաեւ կանանց հրամայեն ելանել ի սուրբ խորանն Ասործոյ, որ օգար է յԱռաքելական եւ ի մարգարեական կանոնացն, զոր եւ արեւաց իսկ գայս Նոգին Սուրբ, զսուրբ խորանն կոխան առնել կանանց» (քնն **Արեւ արեղայ**, նշվ. աշխ., էջ 25-26): Նշենք նաեւ, որ «Կանոնագիրք Նայոց»-ում ընդգրկված Լավոդիկեի կանոնախմբում է միայն հանդիպում նման արգելք. «Չէ արժան զլոյ կանայս ի բնմ հանել, բայց գնորակիք յաւուր քառնի մերձ առ բնմն կացուցանել» («Կանոնագիրք հայոց», հ. Ա., աշխատ. Վազգեն Նակոբյանի, Երևան, 1964, էջ 238):

26 Տե՛ս «Թիֆլիսի Ս. Սրբեփանոս կուսանաց անապարի պարմութիւնը», էջ 63:

27 «Ճանապարհորդութիւն ի Մեծն Նայասարան», էջ 65. «Թիֆլիսի Ս. Սրբեփանոս կուսանաց անապարի պարմութիւնը», էջ 90:

Ս. Պարարգի ընթացքում սարկավագի պաշտոն են կատարել նաև Նոր Զուղայի Ս. Կարաբինե կուսանոցի, Շուշիի կուսանոց անապարի, ավելի ուշ՝ նաև Կ. Պոլսի Գալֆայան որբանոցի սարկավագուհիները:

Այսպես, Նոր Զուղայի Ս. Կարաբինե կուսանոցում եկեղեցական արարողություններին սարկավագուհիների մասնակցության մասին Նոր Զուղայի պարամության ԺԹ. դարի հեղինակ Նովիանինա Տեր-Նովիանյանը գրում է, թե Նոր Զուղայի թեմակալ առաջնորդ Թ-աղես արք. Բեկնազարյանը 1851 թ. ավագ սարկավագության աստիճան է շնորհել կուսանոցի միանձնուհիներին՝ արքունելով նաև նրանց մասնակցությունը Պարարգի արարողություններին²⁸:

Այս մասին Նովիանյանը գրում է. «Յառաջ քան զժամանակ առաջնորդութեանն ներկայ Թ-աղես Սրբազան արքեպիսկոպոսի, ընդունէին նորընծայքն ի կուսակրօնութիւն գտնեսին եկեղեցական սպորին աստիճանս, և խարանագգեսք լեալ՝ համարեալ լինէին ի թիւ կրօնաւոր կուսանաց. իսկ յամի 1851 ի 29 Սեպտեմբերի արդի Առաջնորդ Սրբազան Թ-աղես եպիսկոպոսն շնորհեաց նոցա գաստիճան աւագ սարկավագութեան, պարտւեր քալով որպէս սարկավագ սպասաւորել ի ժամ Պարարգի՝ զգնելով զշապիկ դպրաց, և կրելով ի գլուխ գօղ սպիտակ»²⁹:

Ավելի ուշ նույն երևույթը քննարկում ենք նաև Պոլսի Գալֆայան որբանոցում: 1918 թ. Պոլսի պարբերական փոխանորդ Գաբրիել արք. Ճեւահիրճյանը օժտւում է որբանոցի քարածքում դեռևս 1889 թ. կառուցված աղոթարանը և մատուցում առաջին Պարարգը: Նկատելի, որ մատուցում օժտումը միութնություն էր հայերի համար, քանի որ Հայոց ցեղասպանության քաղաքներին գրավված ու ավերված էր Խասագյուղի Ս. Սրբեկանու եկեղեցին, և որբանոցի Ս. Աստվածածին մատուռ կարող էին այցելել նաև իրենց եկեղեցուց զրկված ծխականները: Նույն օրը սրբազան հայրը դպրության չորս աստիճաններ է շնորհում որբանոցի մայրապետին և երեք քույրերին՝ քալով նրանց ուրար կրելու արարողություն³⁰:

1933 թ. արդեն Կ. Պոլսի Հայոց պարբերաբ Մեսրոպ արք. Նարոյանը, ևս երկու քույրերի շնորհելով դպրության չորս աստիճաններ, արքունում է նրանց Ս. Պարարգի ժամանակ խնկարկել և Ավերարան կարդալ: Իսկ որբանոցի մայրապետին՝ մայր Աղավնուն, քալով ավագ սարկավագության կոչում, իրավունք է շնորհում եկեղեցում կա-

28 Այսպիսի որոշ սխալմունք կա: Նոր Զուղայի կուսանոցում սարկավագուհիների գոյության մասին վկայություններ կան դեռևս ԺԷ. դարից: 1660 թ. Հակոբ քահանայի ընդօրինակած «Խորհրդարան»-ի հիշարարարանում նշված են Ս. Կարաբինի մեկ փասնյակից ավելի սարկավագուհիների անուններ («Հայերեն ձեռագրերի ԺԷ. դարի հիշարարարաններ (1641-1660)», հ. 3, էջ 960-961): Միևնույն ժամանակ Տեր-Նովիանյանը և թե խորեն քահանա Խուցյանը թեմակալ առաջնորդ Թ-աղես արք. Բեկնազարյանին են վերագրում սարկավագուհիներ ձեռնադրելու նախաձեռնությունը: Խուցյանն այս մասին գրում է. «Նոր Զուղայի և Սպահանի առաջնորդ Թ-աղես արքեպիսկոպոսը Թիֆլիսի կուսանոցի ձեռով այսպիսի քաղաքապետ կոչություններին քալել է սարկավագութեան աստիճան» («Թիֆլիսի Ս. Սրբեկանու կուսանոց անապարի պարամությունը», էջ 95): Ենթադրելի է, որ սարկավագուհիների ձեռնադրությունը ինչ-որ ժամանակ կուսանոցում ընդհատվել է, որը վերականգնել է առաջնորդ Թ-աղես արք. Բեկնազարյանը:

29 «Պարամութիւն Նոր Զուղայու որ յԱսպահան», Յ. Տեր-Յովհաննանց, հ. 2, Նոր Զուղա, 1881, էջ 226-227:

30 Տե՛ս Յակոբ Չինար, Պերճ Էրզնեան, Հարիրամեայ յիշարարարան Գալֆանան քան. 1866-1966, Իսթանպուլ, 1966, էջ 80:

վարել սարկավագների համար սահմանված բոլոր պաշտամունքները: Որբաւոցի 68-ամյա պարմությանը նվիրված գրքույկում այս մասին ասվում է. «24 Նոյ. 1933-ին Ամեն. Սրբազան Պապրիարք Նոր ձեռնադրութեամբ երկու քոյրերը սրացան դպրութեան չորս աստիճանները և ուրարակրութիւն, այս աստիճաններով անոնք իրաւունք կ'ստանային խնկարկելու և Անսրարան կարդալու Պարարագի միջոցին. իսկ Մայր Աղանի, սրացաւ իրաւունք՝ եկեղեցոյ մէջ բոլոր պաշտամունքները կատարելու, սահմանուած սարկաւագներու համար: Մայր Աղանի Պարարագի միջոցին վերաբերում կը կատարէ իսկ երկու քոյրերը ուրարակիր կը խնկարկեն սեղանին, որուն սպասաւորելու կոչուեցան»³¹:

Աղավնի մայրապետի մահվանից հետո՝ 1955 թ., Կ. Պոլսի հաջորդ պապրիարք Գարեգին արք. Խաչատուրյանը ավագ սարկավագության աստիճան է շնորհում որբաւոցի հաջորդ մայրապետ նշանակված քույր Մարիամ Քեռեսեյանին:

Ներաբրքի է ձեռնադրության նկարագրությունը: «Ս. Պարարագէն առաջ, Ս. Նայրը կիսատարկաւագի աստիճան Կրտսէ Քոյր Մարիամի, որ մանիշակագոյն շապիկ հագած էր, քովը ունենալով իր գործակիցներէն Քոյր Զարմուհին ու Քոյր Արտեսակը:

Սրբազանը անոր յանձնեց ուրարը, երգ ու շարականի մէջքող: Ողջոյնէն առաջ աւագ-սարկաւագութեան աստիճան Կրտսէ Քոյր Մարիամի «Ուրախ լըր» շարականով: Քոյրը ծնրաղիք Աւագ Սեղան առաջնորդուեցաւ, քովն ունենալով երկու քոյրերը ու խարսափալիութեամբ Տ. Արամ Նոր:

Քոյր Մարիամ երեսը ժողովուրդին դառնուց ու ձեռամբարձ կեցաւ, որպէս նշան աշխարհօրէն գործերէ հրաժարելուն: Դպիրները երեք անգամ «Արժանի է» երգեցին»³²:

Մարիամ սարկավագուիւմ, ինչպէս իր նախորդներին, ևս արգտնվում է Ս. Պարարագի ժամանակ սպասավորել սուրբ սեղանը: Այս արգտնությունն ուներ նաև Գալֆանյան միաբանության վերջին սարկավագուիին՝ Նոյսիսի մասունյանը՝ վախճանված 2007 թվականին: 1982-ին նրան սարկավագության աստիճան է շնորհել Շնորհք պապրիարք Գալուստյանը: Սա վերջին սարկավագուիու ձեռնադրությունն է, որ եղել է Պոլսում և ընդհանրապէս Նայ Առաքելական Եկեղեցում³³:

Ի հավելումն այս ամենի, նշենք, որ հայրնի են առանձին դեպքեր, երբ Նայ Եկեղեցում սարկավագուիները մասնակցել են Ս. Պարարագի արարողությունների նաև կուսանոցների սահմաններից դուրս: Որքան էլ պարագայական լինեն դրանք, այսուհանդերձ, նման դեպքերն առանձնակի հետաքրքրություն են ներկայացնում:

31 Գալֆանյան աղջկանց որբաւոց (1866-1934), Կ. Պոլիս, 1935, էջ 66. **Յակոբ Չինար, Պերճ Էրզինան**, Նարիարամեայ յիշարակարան Գալֆանյան փան. 1866-1966, էջ 49:

32 **Յակոբ Չինար, Պերճ Էրզինան**, Նարիարամեայ յիշարակարան Գալֆանյան փան. 1866-1966, էջ 56:

33 Ներկայում Կ. Պոլսի պապրիարքությունում կուսակրոնություն ունի արած քույր Գայանէին ևս արգտնված է Պոլսի եկեղեցիներում Պարարագի ժամանակ խորան բարձրանալ: Դեռես առանց որեւէ ձեռնադրության նրան ըջոց անելու և մոմ բռնելու իրավունք է շնորհված: Այս առումով մեկ այլ հետաքրքիր իրողություն է Ամերիկայի Նայոց թեմերում, որտեղ խորան են բարձրանում շապիկ հագած մանկահասակ աղջիկներ: ԱՄՆ Նայոց Արեւելյան թեմի ներկայիս առաջնորդ Խաժակ արք. Պարսամյանը հաստատում է, որ մինչև 13 տարեկան այդ աղջնակներին մոմակալության կամ Ճաշի ընթերցված կարդալու արգտնություն է փրված և հարկապէս այն ծովներում, որտեղ չկան ձեռնադրված դպիրներ ու սարկավագներ: Ինչպէս վկայում է Խաժակ սրբազանը, այս երևույթ անգամ քաջալերվում է, որպէսզի փոքրերը ևս մասնակից դառնան եկեղեցական կյանքին:

Այդպիսի մի արարողության մասին է արձանագրել Մայր Աթոռ Ս. Էջմիածնի պաշտոնական ամսագիր «Արարապ»-ը: Ըստ եկեղեցական պարբերականի՝ 1912 թ. սեպտեմբերի 30-ին Մայր Աթոռ Ս. Էջմիածնում կատարված մյուռնիորհնության ժամանակ մատուցված Ս. Պարարագին մասնակցել են նաև Թիֆլիսից ժամանած կույսերը: «Որոշ հեղափոխություն էին ներկայացնում ուխտաւորներից շարերի համար նաև Թիֆլիսից եկած 9 կույսերի ներկայությունը բնի վերայ, որոնք եկեղեցական շորերն հագած, ուրարները բացած սպասաւորում էին Պարարագի ամբողջ ընթացքում բշոց անելով մայրապետ Նոյսիսին Թայիրեանցի գլխաւորութեամբ. դրանցից Խոջամիխասեան, Երմուխա Բերութեան, Մարիամ Դօյմազեան, Կարաբինէ Գուրյեան կանգնած էին աջ կողմում, իսկ Խարազեան Շուշանիկ, Եփեմիա Վարդանեան, Նոյսիսին Դմեան եւ Գայեանէ Ալիսանեան՝ ձախ կողմում»³⁴:

Խոստովանենք, որ Մայր Աթոռի սրբազան խորանին սարկավագուիների ներկայությունը³⁵ փաստող այս պատկերը չափազանց հեղափոխական է, թելադրված, թերևս, մեծ ժողովրդականություն վայելող եկեղեցական մեծահանդես արարողությանը հեղափոխի փայլ հաղորդելու մղումով:

Նայ Եկեղեցում մյուռնիորհնության արարողությանը սարկավագուիների մասնակցությունը այս օրինակով չի սահմանափակվում:

1936 թ. գարնանը Անթիլիասի Մայր Կաթողիկոսական արարողության ուղագրով դրվագներից մեկը էս հայ կրոնավորությունների՝ այս անգամ Պոլսի Գալֆայան որբանոցի մայրապետների մասնակցությունն է սրբազան արարողությանը: Մեծի Տանն Կիլիկիո կաթողիկոսության պաշտոնական «Նասկ» ամսագիրը մյուռնիորհնության մասին պատմող հոդվածում նշում է որբանոցի մայրապետ, սարկավագուի Աղավին Բեռսայանի եւ դպրոցի Մարիամ Բեռսայանի մասնակցությունը սրբազան արարողությանը՝ «երկուքն ալ շապիկով եւ ուրարով»³⁶: Պարբերականը շարունակում է. «Պարարագը սկսաւ, եւ երբ հասաւ Ողջոյնի պահը, թափօրը վերադարձաւ Սրբոց Թարգմանչաց եկեղեցին, բերելու համար Մեռնի կաթսան, անուշահոտ խղերը եւ Ս. Աջերու արկղը: Սարկավագուի Աղանի վերաբերում ըրաւ, իսկ Դպրոցի Մարիամ Անդարան կարդաց»³⁷:

«Նասկ»-ը նույն համարով առանձին անդրադարձ ունի նաև մայրապետների Անթիլիաս այցին. «...Կ. Պոլսէն, Նալէպի գծով, Անթիլիաս հասան Գալֆաեան Որբանոցի

34 «Արարապ», 1912, հոկտեմբեր-նոյեմբեր, էջ 888:

35 Տարբերությունից խուսափելով, որոշակի վերապահումով, Մայր Աթոռում Ս. Պարարագի արարողությանը սարկավագուիների մասնակցության ուղագրով դեպք կարելի է համարել նաև 1953 թ. հոկտեմբերի 25-ին՝ Գյուլ Խաչի փոստին, Մայր Տաճարում Թիֆլիսից ժամանած ուխտավոր երեք սարկավագուիների մասնակցությունը Ս. Պարարագին: Այս մասին պաշտոնական «Էջմիածին» ամսագիրը գրում է. «Այդ օրը Մայր Աթոռ Ս. Էջմիածին ուխտի էին եկել Թիֆլիսի Ս. Գեորգ եկեղեցու հարգարժան երեք սարկավագուի կույսեր, որոնք մասնակցում էին Սուրբ Պարարագի արարողություններին» («Էջմիածին», 1953, հոկտեմբեր, էջ 16):

36 «Նասկ», 1936, մարտ-ապրիլ, էջ 19:

37 Անդ:

մայրապետներ, Ադանի և Մարիամ, երկու հարազատ քոյրեր, իբրև ուխտառու ներկայ գտնուելու Մեռնօրինների հանդեսին:

...Մայրապետ Ադանի ձեռնադրուած Սարկաւագ Է, իսկ քոյրը՝ Մարիամ Դ-պիր: Երկուքն ալ Մեռնօրինների հանդեսին սպասաւորեցին Ս. Սեդանի: Սարկաւագունին Վերաբերում ըրաւ, Դ-պրունին Աւերարան կարդաց»³⁸:

Այս իրողութիւնները բացառիկ են հայ եկեղեցական կյանքում, ինչպէս բացառիկ է 1930-ականներին սարկավագունի Նունե Վերմիշյանի մասնակցութիւնը Թբիլիսիի Ջգրաշենի ծխական հայոց եկեղեցում մարտցված կիրակնօրյա պարարագներին, որ «անհուն գոհունակութիւն և բաւականութիւն» էր պարճառում անգամ այլադաւաններին և Ս. Պարարագի մասնակիցներին:

Այս մասին րեղեկանում ենք «Վաւերագրեր հայ եկեղեցու պարմութեան» մարեւաշարի՝ Արարակ եպս. Սմբարյանին նվիրված հարորում րեղ գրած մի քանի վաւերագրերից:

1930 թ. մարրին, լինելով Վիրահայոց թեմի առաջնորդ, Արարակ սրբազանը՝ ընդառաջ Թբիլիսիի Ջգրաշեն Ավելոյաց Ս. Ասովաճաճին հայոց եկեղեցու ծխական խորհրդի դիմումի, խնդրում է Ամենայն Տայոց Գեորգ Ե. Սուրենյանց Կաթողիկոսին՝ երկարամյա ծառայութեան համար պարգեւարրել կոյս Նունե Վերմիշյանին լանջախաչ կրելու իրավունքով³⁹:

Նույն հարորում րպագրված է նաև Արարակ եպս. Սմբարյանին ուղղված ծխական խորհրդի հերելոյալ նամակը. «Տիլիսիսու Սուրբ Սրելիանոս եկեղեցու նախկին Կուսանաց անապարի միարանուիի, հրեշարակկրօն համեարալիայ առագ սարկաւագունի կոյս Նունե Արարեմեան Վերմիշեանը, որ յիշեալ անապարում ծառայել է ի մանկութենէ և այսօր Էլ ծառայում է ամենայն սրբութեամբ, պարկեշտութեամբ, արիաջան անձնութիւնամբ և արթնութեամբ և որպէս բարոյական վարճարութիւն՝ առագ սարկաւագութեան սրբազնագործ պաշտօնէութեան ասարիճան է ընդունել 1914 թուին, սակայն՝ ժամանակի արգելաւիթ հանգամանքների պարճառաւ ցայսօր չէ պարգեւարրուած լանջախաչով, որին արժանի է ըստ ամենայնի:

Յիշեալ շնորհունակ կոյս Նունեն, 4 րարի շարունակ, սրբազնագործ առագ սարկաւագունու պաշտօն է վարում մեր Սուրբ Աւերեաց-Ջգրաշեն եկեղեցումն ամեն կիրակի՝ Սուրբ Պարարագին, որով հոգեկան մեծ եռանդ է յուգում բարեպաշար ծխականների և ժամաւորների սիրտ ու հոգիների մէջ և միանգամայն անհուն գոհունակութիւն և բաւականութիւն պարճառում նոյն իսկ այլադաւան եկամուր այցելողներին և Ս. Պարարագին ներկայացողներին:

Ուսարի գնահարելով յիշեալ համեարալիայ կոյս Նունե Արարեմեան Վերմիշեանի գովելի արժանիքը՝ եկեղեցական խորհուրդս խոնարհարար դիմելով Ձերդ Գերապարի Սրբազնութեան՝ ամենախոնարհարար խնդրում է, ով արժանաւոր հոգեւորականներին

³⁸ «Տասկ», էջ 29:

³⁹ Տեն «Վաւերագրեր Տայ Եկեղեցու պարմութեան», գիրք Գ., Արարակ եպիսկոպոս Սմբարեանց (Տաւշեցի), Երեւան, 1997, էջ 497:

ոգևորող եւ գնահատող գթառար Սրբազան հայր, բարեհաճել քալ պարգևարել Սրբազնագործ կոյս Նունէին լանջախաչի, ի խրախոյս իւր բազմամեայ անբիծ եւ անձնուէր ամենաջերմեանոց ծառայութեան»⁴⁰:

Անշուշտ, ծխական եկեղեցում Ս. Պարարագի արարողությանը սարկավագուհու մասնակցությունը աննախադեպ է, եւ, թերեւս, միակը Նայ Եկեղեցու պատմության ընթացքում, հավանաբար պայմանավորված ժամանակի հրամայականով՝ եկեղեցահալած քարիներին հոգևորականների բացը լրացնելու նպատակով:

Ամփոփելով նշենք, որ Նայ Եկեղեցում սարկավագուհիներն ունեցել են իրենց որոշակի գործառնություններ: Ժամանակի հոլովությունում նրանց ծառայությունների շրջանակը փոփոխվել ու ընդլայնվել է: Իսկ առանձին թեմերում, առնվազն ԺԹ. դարից սկսած՝ ընդհուպ մինչև Ի. դարը, թեմակալ առաջնորդների մասնավոր փնտրիմությամբ նրանք մասնակցել են եկեղեցական արարողությունների: Սարկավագուհիներին արքունվել է կուսանոցների սահմաններում, առանձին դեպքերում նաև կուսանոցներից դուրս, խորան բարձրանալ ու կապարել իրենց հոգևոր աստիճանին վերապահված պաշտոնը՝ անգամ Սայր Աթոռ Ս. Էջմիածնում, ինչպես 1912-ի մյուռնիօրհնությանը, անկասկած՝ Ամենայն Նայոց Գևորգ Ե. Կաթողիկոսի արքունությամբ:

40 «Վաղկերագրեր Նայ Եկեղեցու պատմության», գիրք Գ., էջ 497-498: